

# Техникийн делгүрлийн төлө

Нур йовгч наукийн цугчидлари делгүрлэж, шинь техникийн арднй ордж шундэ медхмн. дөрлданн нүүрлэчирин, производствин шинрүлэчирин дамшилтиг өргөр тархадэ олэлхмн, рационализатормудин болн изобретательмудин олар орлцсн джисаг өргдүүлхмн гидэ КПСС-н ЦК-н июньск Пленум дуудла.

Советск Союзин кōдлмшчирүр болн үүлд церглэчирүр, колхозникүдүр болн интеллигентүр, цуг күч-кōлсчирүр кесн КПСС-н ЦК-н июньск Пленумин эн дуудвирг олон амтн иж ханмдэжтагвар дөнүнцхав, техническ прогрессин кесг миньгын үүдэчир нег үлү халуугвар терүг тосцхав. Ик олон изобретательмүд болн рационализатормуд, шинрүлэчир, дөрлданн нүүрлэчир техническ прогрессин төлө ноолдцхадэ йовна. Эн ноолданн орлцдэ йовх күн болгын техническ прогресс бōдлүлхд күргсн арвдэжтө чигн дем коммунизмүр мана күцлтгэ йовудиг улм түргдүлнэ.

Мана республикийн долан джилэ зурагвар промышленн гаргүлтийн кемдэжн 2 холванас үлүгвар икдхмн. Тосхлтийн материалмуд, гинти, загьсна болн хот-хоолн промышленность цаарандан делгүрлгдхмн. Өөрхн джилмүдэс Прикаспийск загьсна комбинат шинрүлгдэж яруулгдхмн, терүнн ашд эн комбинатин продукц гаргүлгын хойр холван икдхмн. Тоосхн, черепичн кесг заводмуд, тосна дөрвн завод болн нань чигн предприятияс республикд тосхгдхмн. Нефтин болн газрин промышленность икэр делгүрлгдх төр мана өмн гарч ирджнэ.

Кемрдэжн күч-кōлснэ гаргүлт түргэр бōдлүлгдхлэ, мана республикийн долан джилэ зура күцэгдхмн. Күч-кōлснэ гаргүлтиг, зуг производствин комплексн механизаци болн автоматизаци келгынэс, шинь техник орлцулгынэс, хуучн оборудованьс шинрүлэж яруулгынэс, күч-кōлсиг зурагвар бүрдэлгынэс нштагвар икдүлэж болхмн.

Олон-амтнэ эдл-ахуд техническ прогрессин төрмүд күцэлгэнд профессиональн союзмуд иж нилчэн күргх зōвтэ. Профсоюзмудин XII хуртин шийдвирмүдлэ ирлцүлэж республикийн профсоюзн органс долан джилэ зураг болзгасн урд күцэхин төлэ кегдэжэх социалистическ дөрлданн күч-кōлсч олон амтс орлцулгвар профсоюзн органс зōвар иж кōдлмш кев. Коммунистическ күч-кōлснэ бригадин болн ударникүдин нер зүүхин төлэ кедэ йовх джисаг өргдэд йовна. Коммунистическ күч-кōлснэ бригадин болн ударникүдин нер зүүхин төлэ ноолдэж йовх 135 коллектив республикд ода баяннэ, теднэс сэн гисн 12 коллективднй өн бōдэн нерн зүүгдчкв.

Республикийн профсоюзн организаци КПСС-н XXI хуртин болн КПСС-н ЦК-н июньск Пленумин зааврмудар гардвр кедэ, производствин техник яруулхд күч-кōлсчирин үүлдэгч седвариг залцхана, күч-кōлснэ гаргүлт икдүлгынэ кōрнэг хэлэхиг, күнд кōдлмшиг механизировать келгяр өргдсн сэн чигн сүвселгүдин маргва бүрдэцхэнэ, хуучн оборудованьс шинрүлэж яруулгэнд кōдлмшчириг орлцулгхана.

Улгүрнй, Прикаспийск загьсна комбинатд тэвгдсн шарлгнэ конвейеря беш күч-кōлснэ гаргүлтиг 18 процент бōдлүлнэ. Элстин ясврин заводт күч-кōлснэ гаргүлтиг 250 процент икдүлэж ганьнялгын, кōдлмшин нег квадратн метр агьугьас урдэ эв-аргвар 10 килограмм продукц авддгин орчд 18 килограмм продукц кедэ гаргүдг зузан кевд цутхадэ гаргүдг цутхмр орлцулгдэжана. Балгьсна тосхлтийн объектсэр башени 3 кран тэвгдсн кōдлэжнэ.

Таньгчн профсоюзмудин Совет июлин 1 шийнэс нааран Хальмг республикийн зуг хойр районы 6 эдл-ахусар кегдсн рационализатормудин болн изобретательмудин астафет, дүннхд джилдан 150 миньгтэ гар арслннга арвллт өгм 29 рационализаторск сүв-селгв орулдж өгв. Ода астафет Приютненск районы эдл-ахусар цаарандан кегдэж йовна. Таньгчн совпрофд гаргүдсн рационализатормудин болн изобретательмудин Цуг союзин обществ бүрдэлгынэ бюро цуг рационализатормудиг болн изобретательмудиг негдүлэж, теднэ кōдлмшиг залдэж гардхмн.

Болв, долан джилэ зураг болзгасн урд күцэхин төлэ, техническ прогрессин төрмүдиг күцлтгэжяр хагьлхн төлэ, социалистическ дөрлдэ гардлгвар кōдлмшчириг болн үүлд церглэчириг атсглар профсоюзн организациин кōдлмшт темдгтэ дуту-дундс баяцхэнэ.

Улгүрнй, 56 предприятияс 20 предприятияс зургэн сара зурагвар күцэхн уга, тшигэд 4,7 сай арслннга продукц тату өгцхав. Прикаспийск загьсна комбинат нег үлү муутгар кōдлв, эн комбинат 2,9 сай арслннга продукц зурагьасн багвар өгв. Тосхлтийн организациин кōдлмшт иж олон дуту-дундс баяцхэнэ. Республикийн эдл-ахусар капиталн тэвгдсн брал джилэ зура зуг 83,5 процент күцэгдв, тосхлтийн зура болла, 90,1 процент күцэгдв. Школмуд, эмиллгынэ учрежденьс болн амтн баядг гермүд тосхлгын урдэ кевтэн хашнгар кегдэж йовна. Предприятиисин болн тосхлтийн кōдлмшт күнд кōдлмшиг механизировать келгын бас урдэ кевэри иж татугвар кегднэ. Тосхлтд газр малтгын, тосхлтийн материал ачлгын болн буулгылгын ода бийн нургэлэж гарар кегднэ. Загьсна комбинатд консервд шүүс келгын, белн продукциг ачлгын болн буулгылгын бас гарар кегднэ. Терцагла «Калмыкстрой» трестд 1 сай 100 миньгын арслннга, баяри газрин промышленностин Министерствд 500 миньгын арслннга шинь оборудованьс олзлгдл уга кевтнэ.

Промышленностин болн тосхлтийн кōдлмшт баях ним дуту-дундсн эрки гол учринь техническ прогрессин төрмүдт профсоюзн организаци оньган багвар өгдгт баяннэ. Дотр дундин кōрнэг илджлгынэ, күч-кōлснэ гаргүлт бōдлүлгынэ төрмүд, баях оборудованьсиг эвнй олж саянар олзлггнэ туск төрмүд производствин совещаньд хая-хая тэвгднэ.

Промышленн предприятиясин профсоюзн организаци күч-кōлснэ зура келгын болн терүг гардлгнэ төрмүдт, материалмуд, электрическ күч арвлгэнд, цехмүдэр болн участксар күч-кōлснэ диг-дара батлггынд оньган татугвар өгцхэнэ. Социалистическ дөрлдэ делгүрлггэнд болн терүг күцэлгэнд хоома йовдл икэр гаргүднэ.

Техническ прогрессин төлэ ноолдх тодрха төрмүд советск профсоюзмудин өмн КПСС-н ЦК-н июньск Пленум тэвлэ. Пленумин эн зааврмуд профсоюзн организаци болгынэ эрки төрмүднй болджана.

Производствин рационализатормудин, изобретательмудин болн шинрүлэчирин джисаг толгьалдэж гардх кергтэ, социалистическ дөрлдэ, коммунистическ күч-кōлснэ нер зүүхин төлэ ноолдэж йовх бригадмудин болн ударникүдин джиса бүрдэлгэнд онц оньг өглгын, Вышневолоцк жечр эд кедэ комбинатин некачин бригадир, Социалистическ Күч-кōлснэ Герой Валентина Гаганован сэн элциг өргөр олзлггын — техническ прогрессин төлэ профсоюзмудин ноолдгынэ эрки гол төрнй болджана.